

AKHBAR : BERITA HARIAN
MUKA SURAT : 11
RUANGAN : ISU

Transformasi sektor kesihatan dikagumi

[FOTO SALHANI IBRAHIM /BH]

Persidangan Tahunan 'Forum Ekonomi Dunia (WEF) 2017' berlangsung di Davos, Switzerland pada 17 hingga 20 Januari lalu. WEF adalah satu-satunya pentas antarabangsa yang dihadiri ramai pemimpin politik, peneraju industri, ahli akademik, aktivis sosial, seniman popular dan pemimpin muda yang terlibat dalam usaha mentransformasi dunia.

Hampir 30 ketua kerajaan, termasuk Presiden China dan Perdana Menteri negara Eropah menghadiri WEF 2017. Malaysia diwakili Menteri Perdagangan Antarabangsa dan Industri, Datuk Seri Mustapa Mohamed; Menteri Sains, Teknologi dan Inovasi, Datuk Seri Madius Tangau; Menteri Kesihatan, Datuk Seri Dr S Subramaniam dan beberapa peneraju industri serta sektor perbankan.

Hampir 3,000 perwakilan seluruh dunia hadir untuk berkongsi pendapat dan pengalaman masing-masing dalam usaha mencekutkan transformasi. Jemputan kepada menteri dan wakil korporat negara dilihat sebagai satu penghargaan dan pengiktirafan kepada negara.

WEF terutama mengagumi inisiatif Kementerian Kesihatan yang diterajui Dr Subramaniam dalam meningkatkan akses rakyat kepada perkhidmatan kesihatan berkualiti di Malaysia, berpandukan pendekatan Strategi Lautan Biru Nasional (NBOS).

Berkongsi pandangan

Subramaniam dijemput untuk berkongsi pandangan dan pengalaman beliau dalam kalangan pemimpin utama beberapa sektor mengenai perkhidmatan kesihatan kepada rakyat Malaysia menerusi inisiatif dan kaedah inovatif, kreatif dan transformatif berteraskan NBOS.

NBOS diilhamkan oleh Profesor W Chan Kim dan Profesor Renee Mauborgne, menarik perhatian peneraju pelbagai industri malah ketua kerajaan dalam mentransformasikan cara pemikiran dan kaedah penyampaian perkhidmatan yang disediakan oleh syarikat dan kerajaan.

Perdana Menteri, Datuk Seri Najib Razak yang tertarik dengan NBOS menggesa supaya agensi kerajaan menerap dan mengamalkan strategi itu dalam menyediakan perkhidmatan berkualiti, nilai tinggi dengan kos rendah atau mampu untuk rakyat.

Kini, hampir 80 Kementerian dan agensi bekerjasama dalam merangka dan melaksanakan inisiatif NBOS yang kreatif dan ber-



Mesin Angio-CT Hibrid di Jabatan Pengimejan Diagnostik di Unit Angiografi, Hospital Selayang antara inisiatif Kementerian Kesihatan dalam memberi perkhidmatan terbaik kepada rakyat.

sifat transformatif kepada negara.

Akses kepada perkhidmatan kesihatan yang berkualiti dengan kos rendah dijangka menjamin keadilan sosial, malah pembangunan sosial dan ekonomi.

Jaringan kerjasama bersinergi yang diwujudkan dalam pelbagai sektor pula diharapkan akan meningkatkan lagi hasil dan impak penyampaian perkhidmatan dalam usaha mensejahterakan rakyat.

Sehubungan itu, Kementerian Kesihatan sudah bekerjasama dengan lain-lain kementerian dalam melaksanakan pelbagai inisiatif baru berteraskan komuniti, antaranya inisiatif yang menarik perhatian dunia adalah program 'Komuniti Sihat, Perkasa Negara' (KOSPEN), satu inisiatif memperkasa komuniti, ke arah meningkatkan kekuatan negara, sekali gus menerapkan gaya hidup yang sihat dalam kalangan rakyat.

KOSPEN adalah satu inisiatif perkerjasama komuniti dalam mencegah dan mengawal penyakit tidak berjangkit di negara ini. Menurut laporan media, lebih 5,900 lokaltiti KOSPEN dibentuk, 35,000 sukarelawan dilatih dan 380,000 dewasa disaring.

Malah, inisiatif ini adalah satu-satunya inisiatif bersifat revolusi yang kali pertama diperkenalkan di dunia dalam sektor penjagaan kesihatan.

Dengan ini, rakyat Malaysia berpeluang menikmati gaya hidup sihat di tempat kerja, berpeluang menerima maklumat terkini mengenai kesihatan supaya mencekutkan perubahan dalam tingkah laku rakyat ke arah menikmati gaya hidup sihat.

Tarik perhatian pihak luar

Inisiatif Kementerian Kesihatan dalam memastikan rakyat mampu mengakses kemudahan penjagaan kesihatan berkualiti, selamat, perubahan yang berkesan melalui penambah baik sistem peraturan dan perolehan perubahan secara adil serta telus, mendapat sanjungan rakyat Malaysia malah menarik perhatian pihak luar.

Antara inisiatif yang dilaksanakan oleh Kementerian Kesihatan adalah program Kesihatan Untuk Malaysia (HFIM).

Ia adalah program kesedaran mengenai kepentingan penjagaan kesihatan melalui aktiviti pemeriksaan kesihatan secara percuma

terutama kepada masyarakat luar bandar.

Selain pegawai perubatan berdaftar, pembabitin pelajar perubatan pergigian dan sains kesihatan dari universiti berserta pnsyarah sebagai mentor digunakan untuk menyampaikan perkhidmatan kepada masyarakat.

Usaha kerjasama universiti dan Kementerian Kesihatan iaitu satu usaha dan sinergi, dalam memberi sumbangan bakti kepada masyarakat luar bandar dalam menyediakan perkhidmatan bercorak penggalakan, pencegahan, rawatan dan pemulihan yang cekap, sesuai dan berkesan kepada masyarakat kurang mampu di bandar dan di luar bandar, dijangka mempertingkatkan kemahiran *soft skill* pelajar.

Malah membantu mencapai sepenuhnya potensi rakyat dalam kesihatan, menghargai kesihatan sebagai aset yang paling berharga dan mengambil tanggungjawab dan tindakan positif demi kesihatan mereka.

Usaha seperti ini meletakkan Malaysia, antara negara teratas dalam ranking menyediakan perkhidmatan penjagaan kesihatan terbaik dunia.

Komentari



Datuk M Periasamy

Pensyarah Komunikasi Strategik, Institut Penerangan dan Penyiaran Tun Abdul Razak (IPPTAR)